

醫學集成卷二目錄

傷寒

瘟疫

斑疹

感冒

瘧疾

痢疾

中風

中痰

中寒

中暑

中溼

耳證

口證

舌證

舌證

鼻證

齒證

喉證

脾胃

痞滿

積聚

嘔吐

反胃

呃逆

噎膈

關格

咳嗽

胸證

喘脹

痰證

吐血

鼻衄

便血

瀉血

醫學集成卷二

胞弟萬里劉仕鵬校閱

雙流清臣劉仕廉纂輯

門人望之張文儼校錄

同邑馥垣李培郁校正

門人子乾李仲元校刊

季男幼臣劉永鐘校字

傷寒

清臣曰傷寒係屬大證。治法多端。最難分辨。冬月為正傷寒。四時為感冒。人有虛實。中有淺深。風傷氣分。寒傷血分。傷風有汗。傷寒無汗。氣虛宜扶陽出表。血虛宜養陰出表。守定六經。無論

合病併病見病立方對證用藥隨手可愈。

太陽經證脈浮緊頭痛項強腰脊背痛發熱惡寒有汗爲風傷衛。
法主桂枝湯以驅衛分之風。桂枝白芍甘草生姜大棗無汗爲
寒傷營法主麻黃湯以發營分之寒。麻黃桂枝杏仁甘草風寒
二方氣虛加參朮血虛加歸地陽虛加姜附頭身痛發熱惡寒
無汗煩燥爲風寒兩傷營衛法主大青龍湯營衛互治風寒並
驅麻黃桂枝杏仁石膏甘草生姜大棗有汗去麻黃不煩燥去
石膏。

太陽腑證口渴溺閉有蓄尿蓄熱蓄血癰閉四證蓄尿五苓散焦

朮、茯苓、豬苓、澤瀉、肉桂、蓄熱去桂、加滑石、蓄血加生地、歸尾、紅
花、小蘗、萬年霜、癰閉則睨脹異常、愈下利脹愈、加法主白蔻、宣
暢胃膈、砂仁、半夏、醒脾開胃、肉桂化氣、桔梗開提、生姜升散、如
壺蓋吃緊、揭起則出之意、使上焦得通、中樞得運、而後膀胱之
氣一轉、運而尿自出也。

陽明經證、脈浮洪、前額眼眶脹痛、鼻竇流清涕、口乾不眠、發熱不
惡寒、法主葛根湯、以解陽明之表、葛根、升麻、白芍、甘草、或柴葛
解肌湯、柴胡、葛根、羌活、白芷、赤芍、黃芩、石膏、桔梗、甘草、姜棗、無
太陽證、去羌活、無少陽證、去柴胡、無汗惡寒、去黃芩、加麻黃、下

利減石膏嘔吐加半夏口燥心煩汗出惡熱渴欲飲冷熱邪漸入陽明之裏法主白虎湯以撤其熱石膏知母甘草粳米

陽明腑證便閉讖語口臭氣粗身輕惡熱熱邪已歸陽明之腑法主小承氣湯微蕩其實畧開其閉大黃枳實厚樸胃實腹滿微發讖語法主調胃承氣湯以蕩其實而去其滿大黃芒硝甘草舌胎乾燥噴熱如火痞滿堅實狂讖無倫注主大承氣湯急驅其陽以救其陰大黃芒硝枳實厚樸

少陽經證脈浮弦頭痛在側耳聾脇痛寒熱往來法主小柴胡湯以解少陽之表柴胡半夏人參甘草生姜大棗如先寒後熱爲

陽不足加桂枝乾姜先熱後寒爲陰不足加當歸白芍

少陽腑證口苦目眩咽乾法主黃芩以瀉少陽裏熱兼陽明發熱
口渴清涼飲生地白芍黃芩柴胡花粉石膏石斛知母甘草痞
滿去生地加枳實

太陰寒證脈沈遲吐食腹滿時痛自利不渴法主理中湯人參焦
朮炮姜炙草加半夏砂仁腹滿去朮加附子或理脾滌飲黃芪
焦朮半夏砂仁白蔻炮姜

太陰熱證脈沈實咽乾腹滿痛便結燥渴法主桂枝大黃湯桂枝
赤芍大黃枳實檳榔柴胡甘草生姜或大承氣湯

少陰寒證脈沈細背寒踈臥咽痛腹痛肢冷下利法主附子湯附子人參焦朮茯苓白芍或附子溫經湯黃芪焦朮半夏砂仁炮姜故紙益智倍附子

少陰熱證脈沈數心煩口燥咽乾咽痛燥渴便結法主六一順氣湯枳實厚樸芒硝大黃柴胡黃芩白芍甘草或大小承氣湯

厥陰寒證脈沈細肌冷甲青舌短胎滑小腹滿痛法主六味回陽飲人參附子熟地當歸炮姜炙草或舒氏方黃芪焦朮半夏砂仁炮姜附子吳萸花椒

厥陰熱證脈沈弦舌捲囊縮煩燥厥逆消渴便硬法主六一順氣

湯或大承氣湯

凡病不外六經以六經之法合而治之無不立應一經見證卽用一經之法經證腑證兼見卽當表裏兩解若太陽與陽明合病桂枝湯中加葛根陽明與少陽合病葛根湯中加柴胡如三陽併病羌葛柴並用三陽與三陰表裏同病是爲兩感表裏皆熱九味羌活湯去蒼朮加柴葛硝黃表裏皆寒大溫中飲加附子凡治諸病總以正病爲主兼證爲佐引經爲使乃爲上乘

灸傷寒穴道

太陽證灸風府

陽明證灸內庭

少陽證灸臨泣

太陰證灸隱白 少陰證灸太谿 厥陰證灸中封

過經不解灸期門 餘熱不盡灸曲池 三里合谷風門行間

身熱足冷灸大都 腹痛灸委中

瘟疫

清臣曰瘟疫與傷寒判別天淵傷寒宜辛溫發散瘟疫宜清涼
攻下傷寒邪從皮毛而入中於肌膚瘟疫邪從口鼻而入伏於
膜原瘟疫世不常有要街衢市鎮里巷鄉村沿門傳染方爲瘟疫
今人指傷寒熱病春日溫病爲瘟疫誤人不少千古治法惟
吳又可戴麟郊深知其義學者宜詳察焉

瘟疫初起。先寒後熱。熱後不寒。舌胎純白。邪在膜原也。達原飲。檳榔、厚樸、知母、黃芩、白芍、草果、甘草、竹心、車前、腰背項痛。邪溢太陽也。加羌活、肩棱骨痛。邪溢陽明也。加葛根。寒熱口苦。邪溢少陽也。加柴胡。

汗出不徹而熱不退。白虎湯。虛渴。加人參。

斑出不透而熱不退。舉斑湯。當歸、炒芍、白芷、柴胡、升麻、甲珠、生姜、汗斑並行而熱不除。白虎合舉斑湯。

胸膈痞滿。嘔渴頻煩。舌胎黃色。邪傳裏之上部也。萊菔子、淡豆豉、生梔仁。頻服取吐。

燥結便閉。舌胎純黑。或生芒刺。邪傳裏之中下部也。大承氣湯。痞滿便不結。小承氣湯。不痞滿。止便結。調胃承氣湯。

表裏證悉去。熱仍不退。膜原之邪未盡也。三消飲。卽達原飲。加羌葛柴大黃。

經絡之氣爲熱所鬱。必致發黃。茵陳蒿湯。茵陳。梔子。大黃。生姜。熱邪干於血分。必致蓄血。桃仁承氣湯。

當下失下。呃逆不止。大承氣湯。加桃仁。歸尾。赤芍。

當下失下。循衣摸牀。捉空理綫。元氣將脫也。黃龍湯。人參。熟地。當歸。枳實。厚樸。芒硝。大黃。

下後邪氣復聚。承氣養榮湯。生地當歸白芍知母枳實厚樸大黃。
下後無汗發熱。人參白虎湯。

下後自汗盜汗發熱。柴胡湯。柴胡黃芩葛根陳皮甘草姜棗。

下後熱不除。柴胡清燥湯。柴胡黃芩花粉知母陳皮甘草姜棗。

下後神虛譫語。清燥養榮湯。生地當歸白芍知母花粉陳皮甘草。

一 硃砂灯心。
冲

下後奪氣不語。人參養榮湯。人參當歸熟地白芍知母陳皮麥冬。

五味甘草。

下後虛痞。參附養榮湯。生地當歸白芍人參附子生姜。

病愈復發。脈虛證。虛安神養血湯。熟地、當歸、炒芍、茯神、陳皮、棗仁、
遠志、桔梗、甘草、桂元。

附應下諸證

舌黃、舌乾、舌捲、舌短、舌黑、舌生芒刺、鼻如烟煤、
胸腹滿脹、脈厥體厥、揚手擲足、譫語、發狂、煩燥、
昏沈、呃逆。

補遺瘟疫雜證

大頭瘟、頭面浮腫、普濟消毒飲、黃芩、黃連、元參、藍根、馬勃、陳皮、柴
胡、桔梗、大力、連翹、姜蚕、薄荷、升麻、甘草、氣虛加人參、便實加大

黃

發頤瘟耳前後腫荆防敗毒散加大力外二味拔毒散明雄白礬

研末茶調敷

捻頸瘟喉痹失音頸大腹脹蝦蟆瘟腹不脹均用荆防敗毒散加

大力外三妙散明雄白礬火硝研吹

瓜瓢瘟胸高脇起嘔血如汁生犀散犀角黃連花粉人中黃蒼朮

陳壁土氣虛加人參便閉加大黃

楊梅瘟偏身紫塊忽發癩瘡三黃湯生地赤芍元參大黃人中黃

黃連丹皮滑石甘草渴加石膏葛根

疥瘡癩發塊如瘤。遍身走痛。人中黃散。人中黃。雄黃。硃砂。研末。枯
梗。薄荷。甘草。煎湯下。便閉加大黃。

蒲萄癩。青紫斑點。狀若蒲萄。羚羊散。羚羊。生地。元參。麥冬。黃芩。
知母。銀花。姜蚕。大力。羌活。防風。甘草。竹葉。

錦霞癩。渾身斑疹。痛癢非常。犀角。飲犀角。大力。赤芍。生地。荆芥。防
風。渴加石膏。粉葛。

扣頸癩。痰火迷心。袖繩欲縊。香附。鬱金。雄黃。爲丸。以開膈中之鬱。
再加二陳。以祛膈中之痰。更加羌活。細辛。鬼箭羽。丹參。赤小豆。
通心瀉火。自愈。